



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Data : 23 Janeiro 2017
Número :/Pa/I/2017
Asuntu : **JSMP nia hanoin no pozisaun kona-ba Lei Foun ba Pensaun Mensál Vitalísia ba Eis-Titulár, Eis-membru Parlamentu no Governu sira**

Hato' o ba : Ex^{mo}. Sr. José Maria Vasconcelos (Taur Matan Ruak),
Prezidente RDTL

Saudasoins justisa...!

Ho respeito tomak,

Uluk nana'in, ami (JSMP) ho hakraik-an husu deskulpa wa'in tanba kontinua enkomoda Exelénsia-nia tempu. Ami hakerek karta ida-ne'e ho intensaun atu apresenta JSMP nia hanoin no pozisaun kona-ba lei foun ba Pensaun Vitalísia ne'ebé Parlamentu Nasionál ne'ebé revoga Lei Nú. 1/2007 kona-ba Pensaun Mensál Vitalísia ba Deputadu sira,¹ revoga no altera mós artigu balun hosi Lei Nú. 7/2007 kona-ba Estatutu Titulár sira Órgaun Soberanu nian² no Lei Nú. 5/2004 kona-ba Estatutu Deputadu sira nian.³

Karta ne'e ho objetivu atu haree-tuir ka “*follow up*” fali JSMP ninia karta ida relasiona ho polémika alterasaun ba Lei Pensaun Vitalísia ne'ebé ami apresenta ba Exelénsia iha loron 16 fulan-Setembru 2016. Iha karta ida uluk ne'e, JSMP rekomenda ba Exelénsia atu bele promulga lei foun ne'ebé Parlamentu Nasionál sei prodús atu hadi'a fali lei sira ne'ebé trata kona-ba asuntu pensaun mensál vitalísia ba Eis-titulár, Eis-membru Parlamentu no Governu sira. Maibé bainhira lei foun ne'ebé Parlamentu Nasionál aprova ona, tuir JSMP nia haree, la refléta realidade sosio-ekonómiku no polítika nasaun nian no interese ema hotu-hotu nian.

Iha lei foun ne'e, partikularmente iha Artigu 6 hosi Kapítulu III nian, prevee kona-ba “Direitu Adkiridu (Direitos Adquiridos)” ne'ebé proteje direitu sujetivu ba pensaun mensál vitalísia no

¹ Bele asesu ba kontéudu lei ne'e iha ne'e: http://www.mj.gov.tl/jornal/public/docs/2007/serie_1/serie1_no1.pdf

² Bele asesu ba kontéudu lei ne'e iha ne'e: http://www.mj.gov.tl/jornal/public/docs/2007/serie_1/serie1_no20.pdf

³ Bele asesu ba kontéudu lei ne'e iha ne'e:
http://www.mj.gov.tl/jornal/public/docs/2002_2005/leis_parlamento_nacional/5_2004.pdf

Rua setubal, Colmera, Dili Timor Leste

Rua Beco Lakateu, Aldeia Manu fuik,
Suku Colmera, Administrativu Vera Cruz
Dili Timor Leste

PoBox: 275

Telefone: 3323883 | 77295795

www.jsmp.tl

info@jsmp.minihub.org

Facebook: www.facebook.com/timorleste.jsmp

Twitter: @JSMPTl

subsídiu reintegrasaun ba Titulár no membru Parlamentu no Governu atuál (ne'ebé prianxe ona kritériu tuir lei anteriór sira atu sai titulár ba direitu sira ne'e) nomós Eis-titulár, Eis-membru Parlamentu no Governu sira iha períodu sira liu ba hosi aplikasaun lei foun ne'e. Ne'e signifika katak porsentajen pensaun mensál vitalísia no subsídiu reintegrasaun ne'ebé prevee iha lei foun ne'e sei aplika de'it ba Eis-titulár, Eis-membru Governu no Parlamentu ne'ebé sei mai iha futuru (bele haree iha Komunikadu Imprensa iha aneksu).

Haree ba konteúdu hosi lei foun hanesan deskreve iha leten, JSMP mai ho karta ida ne'e atu husu ba Exelénsia hodi "Veta" tiha lei ne'e no haruka fila ba Parlamentu Nasionál no rekomenda atu hadi'a tiha lei ne'e, partikularmente Artigu 6 ne'ebé refere. Ami mós observa Prezidente nia pozisaun sira iha mídia sosiál katak Prezidente sei veta lei ne'e. Ami nia karta ne'e atu konfirma katak ami apoiu pozisaun ne'e, tanba alterasaun no revogasaun ba lei hirak ne'e la iha efeitu pozitivu ruma tuir saida mak durante públiku kestiona, embora ida-ne'e kontráriu ho ami nia pozisaun iha karta antes ho razaun hanesan deskreve iha leten.

Bainhira Exelénsia iha dúvida ruma relaciona ho JSMP nia hanoin no pozisaun ne'e, ami ho laran hakolok tebes bele explika direktamente ba Exelénsia, tuir Exelénsia nia disponíbilidade.

Ikusliu, antesipadamente JSMP hato'o obrigadu wa'in ba Exelénsia nia kolaborasaun no konsiderasaun.

Luis de Oliveira Sampaio
Diretór Ezekutivu JSMP

Rua Beco Lakateu, Aldeia Manu fuik,
Suku Colmera, Administrativu Vera Cruz
Dili Timor Leste
PoBox: 275
Telefone: 3323883 | 77295795
www.jsmp.tl
info@jsmp.minihub.org
Facebook: www.facebook.com/timorleste.jsmp
Twitter: @JSMPTl